

13301/A

THE S.A.L.

THE ACQUJE RANWILL

THE S.A.L.



THE S.A.L.

THE S.A.L.

THE S.A.L.

THE S.A.L.

THE S.A.L.

THE S.A.L.

THE S.A.L.

THE S.A.L.

THE S.A.L.

THE S.A.L.

THE S.A.L.

THE S.A.L.

THE S.A.L.

THE S.A.L.

DE
LUCENSIUM

THERMARUM

SALÆ

TRACTATUS.

AUCTORE

JOSEPHO BENVENUTO

PHIL. AC MED. DOCT.

Societat. Imperial. Germanicæ,
ac Reg. Gottingenf. Collega.



LUCÆ MDCCLVIII.

EXCUDERAT JOSEPH SALANI.
Præsidum Adprobatione.

III
ILLUSTRISS. DOMINIS,
NOBILIBUS VIRIS
IN
SERENISSIMA
LUCENSI REPUBLICA
THERMIS PRÆSIDENTIBUS

JOSEPH BENVENUTUS.



Ostquam SERE-
NISSIMI SENATUS
accedente au-
thoritate, Me-
dici Therna-

rum præfecti officio deco-
ratus fui, perspectum Vo-
bis

bis arbitror , ILLUSTRISSIMI
VIRI , duplex abs me onus
susceptum fuisse ; ægrotan-
tibus nempe quotannis huc
advenientibus methodum
indicandi quo facilius aqua-
rum ope morbis levare pos-
sent ; simul vero studium
omne , ac diligentiam ad-
hibendi ut earum faculta-
tes , & componentia scru-
tarer , probeque deprehen-
derem quibusnam morbis
opitularentur . Muneribus
istis ut satisfacerem chimi-
ca non tantum & hydro-
statica tentamina institui ,
sed

sed effectus ea qua conve-
nit sedulitate adnotavi ,
quos variis in morbis ab
aquarum usu proficisci ani-
madverti ; nullam enim hac
methodo præstantiorem
inveni , qua magis perspi-
cue illarum naturam enu-
clearem . Ut autem isthæc
mea qualiacumque sint stu-
dia hominibus utilia eva-
derent , gloriosa etiam Di-
vini Opificis munificentia
effulgesceret , qui Lucen-
se Dominium saluberrimis
hujumodi aquis locupleta-
vit , clarissimis Viris relu-
ctari

ctari nolui, qui experimen-
 ta aliquot abs me cum Ther-
 marum sale peracta, ut
 ederem suadebant, propte-
 rea quod genuinam ejus
 naturam a nemine antea
 reclusam fuisse intellexis-
 sent. Postulabat res ut
 vobis, ILLUSTRISS. VIRI, lu-
 cubratiunculas hasce me-
 as in obsequii significatio-
 nem nuncuparem, ea præ-
 fertim ratione quod sum-
 ma Vigilantia Thermo-
 rum rebus prospiciatis. Eni-
 xe igitur Vos deprecor ut
 specimen istud observan-
 tiæ

tiaæ meæ benigne excipere
dignemini , ac Divinum
Numen assiduis precibus
obtestor ut Vobis in utili-
tatem Reipublicæ , Patriæ-
que bonum , omnia pro-
spera cum longa vitæ inco-
lunitate semper eveniant.





DE LUCENSIUM

THERMARUM SALE

TRACTATUS.



Hermæles Aquæ in Lucensi Dominio erumpentes Sale quodam imbutæ sunt, in morbis plerisque per-
vicacissimis curandis

præstantissimo, cujus naturam Glauberiano haud absimilem ostendit ejusdem analysis. Propterea quod illorum nemo qui Lucensium Thermarum facultates adumbravit hujusce Salis indolem, ac genuinam naturam scrutatus est, ut ejusdem salubritatem posteritati commendaret, minime contemnendum putavi de

A

illo

illo experimenta aliquot instituere, quorum ope cum de admirabili ejusdem præstantia certior sim factus, conscribere illa decrevi, simulac methodum indicare, quo facilius ab aquis elici queat. Id porro languentibus, qui ad Thermas istas quotannis affluenter accedunt, profuturum opinor, ubi illis necesse erit medicatam aquarum virtutem adaugere, facile idipsum consecuturi multiplicata substantia, quæ ad earum efficacitatem concurrat.

Præstantiorem modum indicabo quo Sal ab aquis extrahitur, ut magis purum obtineri queat, atque in crystallos concretum: non enim id assequi facile est, nisi summa diligentia adhibeatur. Aqua ergo a thermalis fonte recentius hausta in vase terreo transfundenda est vitrea interius crusta obducto, ac sine mora, antequam scilicet aqua

na-

3

nativum calorem amiserit, (a) solaribus radiis æstiva tempestate, hyemali vero levissimo igni exponenda, itaut lente excalefacta in vapores abeat; inde vero dum araneorum telæ ad instar in ejusdem superficie velamen adparet, si in frigidum locum, vel rectius æstivo tempore in nivem reponatur, Salis crystallos concrecentes jucundo fane spectaculo exhibebit. Tunc vero Sal colligendus, atque siccandus, aqua nimirum per linteum trajecta, ex qua, iterum, evaporationis ope, Salis aliquid elicitur.

Adnotandum est inæquali copia

A 2

Sa-

(a) Tametsi methodus ista rationi parum consentanea videatur, quinimmo contra doctrinam celeberrimi Halesii (Trans. philos. ann. 1751. num. 495.) semper tamen hoc modo sal habui pulchrius, ac purum.

Salis crystallos pro varia concre-
re tempestate , quod magis minus-
ve aqua constipetur . Evaporatio-
nem ego institui sub finem autum-
ni, cum Reamurianum thermome-
trum gradum caloris circiter octa-
vum indicaret .

Ex libris decem aquæ Balnei
calidi (*vulgo del doccia*) de-
scripta usus methodo , scrupulos no-
vem salis habui , & grana septem-
decim .

Eadem aquæ dosis , quam ex
Balneolis hausi sinistrorsum ad stu-
phæ aditum positis , scrupul. viii.
gr. xiv. ejusdem Salis reliquit .

Aqua Barnabonis (*vulgo del
Bernabò*) salis scrupul. x. gr. vii.
præseferebat .

E villensi fonte desumta , scru-
pul. vii. gr. iv. salis continebat .

Extractum ab eadem dosi Aquæ
S. Johannis, scrupul. v. gr. viii. pon-
dus æquavit .

Duc-

5

Ducciarum rubrarum aqua ejusdem salis præbuit scrup. vii. gr. xvi.

Quæ vero aqua è duplici fonte prorumpit , ac Balneolum replet in cubiculo prope duccias rubras nuper exstructo , salis scrup. vi. cum semisse complectebatur .

Desperatorum duccia salis scrupul. vii. cum dimidio deposuit .

Quæ scaturit aqua in superiori conclave Balnei rubri (*vulgo le docce basse*) calidiorem constituit ducciam , sive per æream fistulam excurrentem rivulum , ac binas minus calentes , *le trastulline* . Ex decem aquæ magis fervidæ libris , salis scrup. vi. gr. x. obtinui . Minori autem calore præditæ (*le trastulline*) ejusdem scrup. v. gr. ii. reliquerunt .

Animadvertendum est salem hunc neutiquam depuratum haberi , sed terreis quibusdam albescentibus particulis permixtum , quorum na-

tura lapidosa potius quam bolaris, argillofa, vel calcaria, veluti aliqui opinati sunt, videtur. Et quidem si ad argillarum speciem terra ista referenda esset, ponderosa foret, pinguis, densa, tenax, lubrica, itaut in ore detenta, e sebaceis, vel saponaceis partibus conflata videretur: recens e terra effossa lenta, ac ceræ instar figuram quamlibet retineret; igne cocta, vel solaribus radiis diutius exposita in lapideam substantiam concrederet. Nulla autem ex hujusmodi qualitatibus terra obtinet, quæ fali e Lucensibus Thermis extracto copulatur.

Easdem fere quas in argilla ostendimus qualitates in bolaribus terris animadvertimus. Sunt porro ponderosæ, pingues (minus tamen quam argilla) styptico, atque austero sapore præditæ, facile ad linguam

7
guam adhærescentes, ac manibus
etiam si contrectentur. Luculen-
ter hinc arguitur terram nostram
neutiquam dici posse bolarem; mi-
nus vero calcariam, quod usta
acri sapore, neque specifica gravi-
tate cum illis congruat: Adde calca-
riam terram mercurii sublimati so-
lutionem flavo colore inficere, quod
minime accidit si terra nostra cum
eadem solutione permisceatur.

Rectius igitur Marga vel Aga-
ricus mineralis ista vocari posset,
propterea quod non solum specificè
æquilibrata a fossili isto parum dif-
ferat, verum quia quamplurimas
ejusdem qualitates terram nostram
præferre animadvertimus; friabi-
lis enim est, levis, odoris ac sapo-
ris expers, facile in aquis dissol-
vitur, vel ut rectius loquar diffundi-
tur, eisdemque album colorem con-
ciliat, non secus ac in illis accidit

quibus lac permiscetur . Quibus præcipue notis Agaricus mineralis a cæteris fossilibus discriminatur . (*a*)

Quod si margarum qualitatibus, & alteram addere velimus ex Agricola , & Plinio depromptam, fertilitatem scilicet iisdem abundantibus agris conferri , (*b*) facile intelligemus terram qua aquæ Lucenses im-

(*a*) Chambers Dizion. univ. verb. Marga. Geoffroy de mat. med. Tom. I. par. 1. sect. 2. cap. 2.

Cartheuser Mat. Med. sect. 2. cap. 8. §. 2.

Lemery Dizion. d. drogh. verb. Marga.

Cæsius de Mineralib. Lib. II. cap. 2. sect. 1.

Ettmull. cum not. Cyril. Tom. IV. Col. eg. Pharmac. part. 1. sect. 3. cap. 2.

[*b*] Plin. lib. 2. de nat. fossil. Agric. lib. 17. cap. 6. 7. 8.

imbutæ sunt hanc quoque cum margam communem qualitatem præferre; citius enim ac validius humum germinare animadverti thermalibus aquis irroratam, si præsertim terram a sale sejunctam complecteretur. Flores etiam eadem conspersos promptius ac pulchrius adolevisse, quin coloris vivacitate cæteris ejusdem generis præstasse observavi, utut eodem in solo sati. (a).

Ne-

[a] Cl. Johannes Henricus Pott [in sua Lithogeognosia] margam inter alcalicas terras enumerat, atque a lacte lunæ differre opinatur quod is lud ignis ope concre scat. Hic igitur Auctor inter margas terram nostram reponeret, eo quod cum acidis ebulliat, minimeque ad ignem durescat. Valerius vero (in Mineralogia) diversimode sentit, margamque autumat coha-

re-

Neque falis facultates imminui credendum est ab hujusce terræ permixtione : Divinus enim Opifex ideo matrici suæ conjunctum aquis inesse voluit , ut præstantiorem in morbis curandis auxilium ferret ,
quam-

rescere posse , atque aliquam figuram recipere , non ita lac lunæ , quod semper aridum , ac friabile est . Margæ igitur nomen ex hujus Scriptoris opinione terræ nostræ neutiquam conveniret . Sententiam ipse meam hac super re dispartiar , ac solummodo dicam terram e Lucensibus aquis elicitam quamplurimas margarum qualitates præseferre , forsân vero non singulas , propterea quod terrestres diversi generis molecule cum illa copulantur , ejusdemque naturam , parum quantumvis alterando , perturbant .

(a) quamobrem utut facillime a terra sejungi queat, illud ulterius expurgare nolui, sed ea plane forma uti, qua ab aquis extrahitur. Postulavit attamen res ut salinam a terrestri parte secernerem, propterea quod opus esset experiri, num in singulis Lucensium Thermarum aquis æquali ratione sal & terra cohærescerent.

Animadverti igitur prædictam salis dosim ab aqua Balnei calidi (*del doccione*) extractam, in aqua pluviali destillata soluti, ac per chartam emporeticam trajecti, sexaginta duo terræ hujus grana præferre.

Idem

(a) *Nullum sal naturale reperitur, quod aquæ, vel terræ omnino sit expers. vid. Boerhaav. Chim. part. alt. de Aq.*

Frid. Hoffmann. opusc. phys. var. Comment. de sal. Halen. cap. 8.

Idem sal ex aqua in balneoliss collecta ad stuphæ aditum extractum, ejusdem grana quadraginta septem continebat.

Quod extractum fuerat ex aquis Barnabonis, sex supra centum grana reliquit.

Villense, grana sexaginta novem.

Sancti Johannis, grana quinquaginta quatuor.

Ducciarum rubrarum, grana septuaginta.

Ab aquis balneoli prope duccias rubras elicitedum, grana terræ octo supra quadraginta complectebatur.

E ducchiis desperatorum extractum, grana quinquaginta septem.

E calidiori duccia in superiori conclave balnei rubri, grana quinque supra septuaginta.

E minus calentibus (*le trastulline*]

line) grana quinquaginta .

Salis qualitates indicabo cum terra implicati , postea vero de ejusdem viribus loquar .

Figura præditus est prisinatica multangulari , quæ tamen interdum in crySTALLORUM basi exagona , vel rhomboidea conspicitur , pro varia scilicet earumdem præcipitatione , aut fractura [a] . Colorem albissimum

[a] *Sal nostrum hanc eandem figuram haudquaquam retinet non quod reapse variabilis sit , sed aliquando mutabilis juxta variam crySTALLORUM combinationem : si enim ex. gr. simul uniantur duo prismata triangularia , basis oritur rhomboidea , si tria semixagona &c. Dum pariter in situ ponè oculos collocata differunt , discrepancia adparent . Summa igitur diligentia opus est ut vi-*
ten-

mum obtinet, pellucidum est, odoris expers, sapore vero amariuscule blande stimulante linguam afficit, si probe præsertim depuratus fuerit, atque a terra secretus.

Plumbeæ laminæ pondere in aere explorato, postmodum vero eadem in æqualem aquæ dosim sale nostro plenissime saturatam rite immersa, optima lance hydrostatica usus, salis nostri gravitatem deprehendi ad illam salis marini veluti decima quinta quantitas ad decimam tertiam: ad illam salis ebshamensis veluti decima quinta ad decimam nonam; nitri ut decima quinta ad decimam septimam: salis

tentur equivoca. Ita quidem si octaedrum corpus diversimode inspicatur, quadratum adparet, dum scilicet visionis radius per binos oppositos angulos pertransit.

lis tartari veluti decima quinta ad decimam octavam.

Putealis aquæ uncia ad sexagesimum Reaumuriani thermometri gradum excalefacta, cum qua salis nostri drachmam permiscui, ejusdem grana viginti duo; recenter vero hausta minimeque calefscens, quindecim tantum grana dissolvit.

Ab ejusdem cum spiritu vitrioli super vitrum [a] permixtione orta est levis effervescentia.

Cum acido limoniorum, atque aceto destillato minus ebulliit: neque eorum aciditatem retudit.

Cum oleo tartari nulla fermentatio insurgebat.

Syrupi violacei colorem in viridem commutavit, postquam guttulis

(a) Dixi super vitrum, eo quod ligna, lapides, vel metalla, experimentum istud alterare possent.

tulis aliquot super chartam affusum
sal nostrum superadditum fuit.

Cum limpidæ aquæ sale isto
saturatæ claram, ac pellucidam
gallarum tincturam adjecissem, ma-
gis turbidum liquorem fieri ani-
madverti postquam præcipue vi-
treum vasculum apud ignem ali-
quandiureliquissem. Velamen quod-
dam lucidum, exilissimum, super-
natantis olei ad instar in aquæ su-
perficie adparuit; ea vero concus-
sa, concretos antea flocculos sus-
que deque volitantes observavi.

Ab intermixtione salis nostri
cum tinctura heliotropii nulla va-
rietas exorta est, si eam exceperis,
quæ ab illius colore proficisceba-
tur.

Idem prorsus accidit cum in
solutionem vitrioli martis, vel mer-
curii sublimati sal idem inmitte-
rem.

Lacteus color exoriebatur cum oleum tartari ejusdem solutioni instillabam.

Affusione spiritus vini probe defæcati, parum dealbata est, ac præcipitatio vix sensibilis subsecuta.

Si cum humano sanguine ex ægrotantis vena educto sal nostrum permisceatur, haud ita facile inspissatur, etsi colorem suum fervet. Id vero cum a morbi natura repetendum fore dubitaverim, periculum in sano iteravi, nec dissimili nunquam eventu.

Bilis vitulinæ sali huic superaffusæ color ac fluiditas minime variata est; nulla exorta effervescencia; neque ejus amarities adaucta, vel imminuta.

Saturni, ac Lunæ tincturæ cum spiritu nitri elicite, sale isto saturatæ albescebant.

Chartam cæruleo colore tin-

B

ctam

Etiam, aqua sale nostro imbuta conspersi, neque diversimode colorata est.

Vaccinum lac, item ovillum, postquam sal nostrum suscepissent, nulla prorsus alteratione afficiebantur.

Dum cuprum in pollinem reductum cum sale nostro intermisceram, aliquot primum huc illuc moleculas cæruleas fieri observabam: quod etiam in ejusdem salis efflorescentiis prope æneas fistulas (*le docce*) animadvertere licet. Magis vero idipsum contigit, cum diutius mixturam hanc aeri expositam reliquissem.

Cum alcalino sale atque carbonum pulvere nostrum permiscui, mixtura exinde in crucibulo super candentes prunas reposita, ibidemque ad binas horas relicta; sulphuris odor nullus exhalavit; reliqua
mas-

massa rubro colore minime infecta, nullam cum spiritu vini confusa tincturam exhibuit.

Semiuncia falis recte exsiccati humidoque aeri per duodecim horas expositi, tredecim granorum pondere adaucta est.

Ammoniacum sal nostro copulatum, urinoso-volatili halitu nequitquam nares affecit.

Ardentibus prunis superpositum haud intumuit, neque deflagravit, aut crepitavit.

Crucibulum falis semiunciam continens, in igne vehementissimo ad binas horas reliqui, ut inde comperirem num funderetur, vel in calcem aut vitrum commutaretur. Nihil horum accidit; verumtamen trutina exploratum, pondere granorum sexdecim imminutum de-

prehendi (*a*). Pristina figura præditus, colore ad cinereum accessit, sapore vero acrius mordicabat.

Idem sal in crucibulo excoctum, iterumque in aqua tepente dissolutum, elegantissimas præbuit crystallos, quæ tamen figuram diutius non retinent sed in pulverem faceffunt, nisi adhuc humidæ in acervulos colligantur.

Cum adnotata experimenta,
 in aqua tepente sale

[*a*] Imminuitur pondus non ab humiditatis evaporatione, cum sal antequam in crucibulum immitterem omnino exsiccatum ponderassem; sed quod aer ignis ope a sale discedat: quantus enim in corporibus extet, recte mensurari potest, juxta cl. Halesii experimenta in Philosophicis transactionibus enunciata, nuperrime verò italice recusa in libro cui titulus Statica de' vegetabili Neap. 1756.

fale ab unoquoque Lucensium thermarum fonte elicitio iteratim, eosdem prorsus effectus animadverti, claro satis indicio eandem in qualibet aqua naturam fervare. Minime tamen ex eo licet arguere lavacrum quodcumque, vel aquam cujuslibet fontis viribus iisdem, vel plane similibus donari; satis enim constat pro majori vel minori terræ cui copulatur quantitate diversimode agere; præterquam quod ad thermarum efficaciam alia quoque multa concurrant, ut in theorico earum tractatu, duce præsertim hydrostatica, item in practicarum observationum collectione, Deo dante demonstrabo.

Luculenter ex dictis patet sal ex aquis Lucensibus extractum medium vocari posse, atque a cæteris non differre, qui e celebrioribus thermis eliciuntur. Hic vero ani-

advertendum, juxta celeberrimi Hoffmanni monitum, inter salia neutra illa etiam recenferi, quæ [propterea quod alcalinæ moleculæ minus cum acidis cohærent, vel viceversa] ad alcalinam, vel acidam naturam magis accedere videntur (a). Sal proinde e Lucensibus thermis elicatum, etli dum enunciata pericula instituerentur neutrum ut plurimum deprehensum fuerit, interdum vero alcalini indicia exhibuerit, e mediorum classe excludi non debet.

Quæ hætenus de salis naturalis dicta sunt, magis etiam confirmantur ex roris analysi in solo prope thermas collecti; probe etenim evaporatus, sal exhibet ei non ab- simile quod ex aquis extrahitur, ea

(a) *Hoffman. opusc. med. pract. dissert. xi. num. 4.*

ea scilicet de causa quod in terra
 redundet unde thermales aquæ sca-
 turunt. Sicuti vero substantiis his
 ros imbuitur, quibus humus unde
 oritur abundat, ita varie opinati
 sunt phyfici in statuenda ejusdem
 natura, quod nempe diversis in
 locis collectum explorarent. Ita
 sentit Boerhavius (a), cujus autho-
 ritatem secutus Arbuthnotius scri-
 ptor inter Anglos clarissimus hæc
 habuit. *Roris analysis potior fortas-
 se methodus habenda est, qua soli
 quovis in loco referetur in doles* [b].

Enucleata salis natura qui è
 Lucensibus thermis educitur, de-
 scribendi remanent ejusdem effe-
 ctus ubi introsumptum fuerit. Varii
 quidem illi erunt prout extractum

B 4

ab

(a) Chem. de Aer. pag. m. 234.

(b) Specim. edfect. Aer. in human.
 corp. cap. 1. §. 7.

ab uno vel altero thermarum fonte assumetur, majori vel minori terræ quantitati conjunctum. Binorum ingredientium facultates seorsim inferius examinabimus, ut unusquisque pro sua indigentia hoc vel illud eligere queat.

Si igitur sal è thermis nostris elicatum tamquam neutrum considerabimus, licet cum terra intermixtum, merito ab illius usu salutare iidem effectus sperari poterunt, quos a cæteris hujus generis assequimur, eo quod naturam eorum obtineat qui humani corporis humoribus consociantur; dubitari enim nequit sal nullum ibidem contineri (ea quæ stomachum complectitur si exceperis) quod absolute acidum, vel alcalicum adpellari mereatur. Idipsum agnovit magnus
Boer-

Boerhaavius [*a*], ac quotidie experientia confirmat. Sal igitur nostrum ab humani corporis humoribus facile dissolvitur, atque in moleculas similes divisum vasa penetrat, contentaque in illis fluida præ nimia densitate cohærentia prompte incidendo resolvit, nervas, musculares, ac membranaceas fibrillas blande stimulat, ac stimulando validius contrahit, itaut sanguinis, ac cæterorum humorum circuitus promoveatur, simul vero singulæ secretiones haud ægre fiant. Facile idcirco intelligitur cur merito sal istud commendetur in morborum curatione, qui a viscidorum crudorumque humorum in ventriculo, ac primis viis hærentium saburra proficiſcuntur, in obstructionibus

[*a*] *Chim. part. alt. de animal.*
pag. m. 33.

nibus ac viscerum infarctu, ubi præsertim solida roborare necesse sit (a). Prodest profecto in quamplurimis

(a) *Mirum est in praxi animadvertere Lucensium thermarum aquas aliquando etiam emollire, utut valdopere quoque proficua sint ubi ex nimia elasticitate, aut ariditate fibra rigescat. Idipsum in aliquot aliis etiam remediis observamus, præcipue vero in ferro, quod facultate prorsus opposita præditum est, adstrictiva scilicet, ac aperiente. Id autem variis quibus corpora componuntur principiis, æqueac diversis morborum causis tribui profecto debet. Thermales aquæ utut spirituosius particulis imbutæ, emollienti etiam vi ditari posse intelligimus dummodo effectus iste a calescentis tantum aquæ facultate repetatur. Incisiva salis vis globulorum*

rimis digestionis , atque chilificationis vitiis , appetitus imprimis abolitione , nausea , vomitu , stomachi doloribus , ac languore , indeque proveniente flatuum copia . Non minus vero mucosas diarrhæas curat , hepatis , splenis , cæterarumque glandularum obstructions referat , quæ icterum sepe , cachexiam , menstruorumque suppressiones progignunt . Incipienti etiam hydropi mederi egomet nuperrime vidi , ubi scilicet lymphatica vasa nondum disrupta erant . Mirabar autem in muliere anasarca laborante a repetito salis usu uberrime urinas fluxisse , ac morbo levatam fuisse , absque eo quod catharticorum ope

ex-

*rum sanguinis coherentiam aufert ; volumine hinc imminuto , nimiaque vasorum distensione cessante , laxa red-
ditur fibra &c.*

exsuperantia fluida revocarentur ad intestina : cum e contrario crurum oedemata , incipientis hydropis indicia , pluries etiam viderim evanuisse in iis qui salis drachman quotidie assumebant , nulla adparente sensibili evacuatione , quæ naturali uberior foret . Citius vero lymphaticos tumores discussos animadverti dum sal idem ad semiunciæ pondus quotidie præscripseram , ea indicatione ut alvum sollicitaret : pari enim eventu ægrorum aliquem curavit cui per alvum subduxit , ac eos in quibus nulla sensibilis evacuatio secuta est (a) . Nova quidem

(a) *Celeberrimus Van Svvieten.*
(in Commentar. ad Boerha. §. 30.
in fin.) terrestria remedia inter cæ-
tera quæ roborant , atque aquam ab-
sorbent recenset . Num igitur terra
pla-

dem hujusmodi pericula tentare
 prosequar atque accuratius historias
 adnotabo dum se præbebit occasio;
 quid enim humano generi utilius,
 quam in difficillimæ sanationis mor-
 bo efficax remedium reperire?

Mirabiliter item medetur sal
 quod ex Lucensibus thermis ex-
 trahitur affectioni nephriticæ, cæ-
 terisque morbis qui urinæ meatus
 adfligunt, præsertim vero cum a
 viscidis humoribus, arenulis, vel
 calculis originem ducunt.

Hic vero opportunum censeo
 referre aliquot circa calculorum dis-
 solutionem a me instituta pericula,
 quo magis de solvente salis nostri
 facultate certior fierem.

Lapidem valde durum ex hu-
 ma-

*plusquam sal cui permiscetur agit;
 dum absque sensibili evacuatione
 lymphatici tumores dissipantur?*

mani cadaveris vesica exemptum ita confregi ut in fragmenta sex divideretur, uniuscujusque pondus binum supra trigesimum granum æquabat: in sex inde cyathos illa demisi, quorum quilibet uncias decem fluidi continebat hac ratione parati. Primus aqua communi puteali replebatur: secundus etiam, in qua tamen salis nostri drachma dissoluta erat. Tertius villensem aquam recipiebat recenter haustam. Quartus eadem oppletus erat salis drachma saturata. Quintus villensis ejusdem aquæ uncias quinque, totidemque humanæ urinæ recentis excipiebat. Vasa isthæc respectivis numeris obsignata in receptaculum locavi ubi scaturit villensis aqua (*vulgo il cisternino*) ut æqualem semper caloris gradum servarent. Sextum vero cyathum ita accommodavi, ut calescentis aquæ rivulum

ab uberiori fonte suppeditatum continuo reciperet.

Fragmentis, quæ ab eodem lapide habui utendum erat dum hæc pericula facerem, simulac simplicibus & mixtis aquis, quiescentibus, fluentibusque: si enim dissimiles calculos infudissem, magis scilicet vel minus compactos, diversamque molecularum cohærentiam præferentes, facilius, difficiliusve dissolvi debuissent. Docte igitur cl. Menghinus calculos in marmoreos, lateritios, tofaceos, gypseos, & arenarios distinxit [a]. Recte hinc iterari nequeunt experimenta isthæc, ut quoque relata in Actis Regiæ Scientiarum Academiæ Parisiensis [b], vel in operibus

(a) *Commentar. Academ. Bonon.*
Tom. III. pag. 72.

(b) *Littre 18. Decemb. 1720.*

bus cl. Halesii, atque Hartley (a), nisi ejusdem generis calculos in illis conficiendis adhibeamus.

Fragmenta prædicta, postquam quartus ab immersione dies transierat, e vasculis eduxi, blande ab aquis absterfi, atque hæc adnotavi. Quæ in primo, ac secundo cyatho includebantur, colore, duritie, vel pondere neutiquam variata erant: aqua etiam quam singuli excipiebant, ne quidquam pelluciditatis amisit: cætera vero plusquam grani pondere adaucta apprehendi, contentum si exceperis in sexto vasculo, quod etiam si pondus idem retinuisset, albicabat tamen, ac digitis fricatus, eodem quo prædictus erat colore inficiebat (b).

Quar-

(a) *Hales Emasiat. Tom. II. usq. ad pag. 106.* (b). *Verosimile videtur.*

Quarta elapsa iterum die, vasculi tertii aquam nebulosam vidi, ac parum flavescentis pulveris observavi ad sexti fundum detrusi. Opportunum duxi singula fragmenta haud abstergere antequam ponderarem, ne simul cum aqua, aliqua eorundem portiuncula abscederet. Contenta in primo, ac secundo cyatho nullimode variata; quæ in tertio, quarto, & quinto demiseram, ad pristinum duorum supra trigesimum granorum pondus

C

re-

tur lapidis frustula in primo ac secundo vasculo contenta, pondere haud excrevisse, quod communis aqua minori ignis, ac salis copia referta, non ita facile penetraverit. Gravitatis vero fragmenti in sexto cyatho demisi aucta fortasse non est, quod major fluentis aquæ motus, particulas aliquot abrasit.

redacta: quod vero sextum vasculum comprehendebat, parum pulveris flavi coloris deposuerat.

Sextum diem transigere sivi priusquam experimenta prosequerer; tunc vero aquam, qua tertius cyathus replebatur, magis nebulosam; minus item albam quam secundus, ac quartus continebat animadverti, etiam si a salis dissolutione lac albedine æmularetur. Quinti etiam vasculi aqua ad aurantiorum colorem proxime accedebat. Fragmentis postea libratis, primum grana xxix. secundum xxviii. tertium xxvii. quartum xxviii. quintum xxvi. pendebant: sextum granorum trium supra viginti pondus æquavit: quoniam vero in hujus cyathi fundo pulvis plusquam par esset abundabat, dubius eram num a lapidis dissolutione id contigisset: excedens inde pondus indicavit terram cum illo

illo permixtam fuisse, quam a solo ipso aqua abradere solet, ac secum ferre [a].

Quinque diebus ab enunciata experimentorum renovatione peractis, in quolibet vasculo (sextum si exceperis) filamenta quædam tenuissima perspexi, quorum crassities ab aquæ agitatione adaugebatur, ac sedimentum ascendebat. Lapidis pondus quem primus cyathus excipiebat, sextum supra vigesimum

C 2 gra-

(a) *Miratus quidem sum contentum in quarto vasculo lapidem minus ponderosum me deprehendisse: facilius enim corpora dissolvi debere opinabar dum viliensi aquæ sal superaddere-
tur. Ex miscela salis, aucta liquidi densitate, libera fortasse ignis actio retardatur, vel aliquo modo præpeditur aqueorum globulorum introductio?*

granum æquabat; quem secundus, duo supra viginti: in tertio contentus, grana novemdecim, in quarto septemdecim pendebat: gravitas vero quinti, grani unius supra viginti reperta est: sexti, granorum tredecim. Fragmenta singula propterea quod molli quodam ac limoso involucro obducta essent, linteolo absterfi ne digitos contrectando inficerent: Ita absterfa iterum lanci superimposui, ac primi fragmenti pondus grana xxv., secundi xx., tertii xvi., quarti xv., quinti xx. [a]: sexti ix. exæquavit. At sane admiratus sum promptiorem quarti fragmenti solutionem, utpote quod in præcedenti periculo minus quam cætera extenuatum fuerat. Id contigisse judicasse

(a) *Urina dissolventem aquæ facultatem enervat.*

sem ob inæqualem stratorum, quibus lapis conficiebatur, cohærentiam, nisi consistentiæ omnino similis fuissent fragmenta ab eodem lapide desumta. Phænomeni ergo causam haud aliunde mihi repetere licuit, nisi a majori difficultate qua corpora magis compacta ignem concipiunt, introductum vero fortius retinent. Villensis ergo aqua sale saturata, cæterarum quæ fragmenta excipiebant minus fluida, ægre ignem suscepit, postmodum vero uberius admisit, ac fortius retinuit; quod pariter thermometri usu comprobatur in fusa metalla, oleum, vel aquam immersi, quo magis enim densa sunt fluida, eo vehementius ignem concipiunt, atque ad altiorem gradum mercurius ascendit. Lapis vero in sexto cyatho contentus magis attenuatus est, quod continua fluentium aquarum

commotione quassatus fuerit: Cæteris enim in vasculis parum agitabatur aqua, quæ facile omni prorsus motu careret, nisi sphaericis conflata esset moleculis ita æquilibratis, ut nullo negotio a circumambiente aere moveantur.

Sed ne Lectori molestus evadam, satis erit indicare fragmentum quod sextus cyathus excipiebat citius quam cætera dissolutum fuisse, vigintiquinque scilicet dierum spatio: illa vero quæ in tertium, ac quartum vasculum demiferam, trigesima secunda die; quæ in secundum, ac quintum, trigesima nona soluta sunt. Quod in primo vasculo posueram, quinquagesima sexta die resolutum est. Opinabar tamen Villensis aquæ vapores, quibus imbuta fuit communis aqua, eidem dissolventem vim communicasse: hac autem de re securus sum,

mar-

marmoreum calculum in communem calidam aquam immittendo, longe a Balnei vaporibus positam, quæ tamen eundem semper caloris gradum fervet.

Ex hæcenus dictis facile cognoscimus salem nostrum cum aquis igne refertis intermixtum valide calculos dissolvere; id vero luculentius intelligemus si ejusdem effectus in lithiasi affectis perscrutabimur, quibus tamen magis fortasse opitularetur villensis, aut balnei calidi aqua syringæ ope statim amictione in vesicam injecta; ingesta enim alterationibus variis obnoxia est, antequam ad vesicam perveniat, neque larga ejusdem potio unicuique convenit hoc morbo laboranti.

Medetur quoque sal nostrum asthmati humorali, atque catarrhis, qui suffocationem minantur, capi-

tis doloribus, affectioni hypocondriacæ, uteri fluoribus, apoplexiæ, vel paralyfi præsertim pituitosæ, aliisque morbis, quos recensere supervacaneum foret; Medicus enim postquam eorum causas perpenderit, innocens istud remedium, ejusque dosim temperamento, ac morbo aptare potest.

Quod si Villenses aquas actuosas magis reddere quisquam cupiat, ejusdem salis scrupulum in qualibet libra dissolvat, vel majori etiam dosi si alvum purgare exoptaverit, quo quidem in casu plus aquæ ingerere oportet, ut sal magis diluatur. Adnotavi tamen in praxi sal istud haud semper alvum excitare, utut majori dosi præscriptum, in iis potissimum qui acido carent in primis viis, tunc enim nulla excitatur fermentatio, neque satis extricantur ejusdem moleculæ, ut
in-

intestina ; quantum in aliquibus opus est, stimulari queant.

Viribus adumbratis quibus pollet sal nostrum, terræ nunc effectus expendendi cum qua permisceri indicavimus [a]. Saluberrima quidem illa

(a) *Quamplurimi Scriptores opinati sunt terrea isthæc remedia aciditatem tantum corrigere in primis viis, neque per lactea vasa ad sanguinem deferri. Etsi ita se haberet res, non paucis profecto morbis opitularentur. At cl. Hambergerus [in dissert. de modo agendi terreor.] validissimis rationibus contrariam sententiam tueretur, cui assentitur Floridus de Plum-bis [in dissert. de font. Nucer.] qui hac de re certior ut fieret animantia quamplurima, postquam Nucelianam terram deglutiissent, dissecuit, neque illam in ventriculo, vel intestinis reperiit.*

illa est, solidorum debilitati medetur, absorbet, & humorum acrimoniam demulcet, hinc in ventriculi morbis ab acido fermento, in sanguinis & humorum acri vel ferosa diathesi, in immoderatis hæmorrhagiis, dysenteria, fluore albo, urinarum fluxu, in omnibus etiam cutaneis morbis ad abstergendum, & exsiccandum, tam interne quam externe feliciter adhibetur. Balnei Barnabonis aqua plusquam cæteræ terra ista referta, in ulceribus, scabie, singulisque cutis defœdationibus persanandis efficacissima evadit. Ab hujus terræ mixtione repetendi forsitan effectus aliquando contrarii, quos edunt Lucenses aquæ; ita ex. gr. salutare eas experimur in ferosa humorum colluvie fibrarum laxitati conjuncta, æque ac in nimia sanguinis densitate, quam fibra nimis rigida comitatur. Uterina,
item

item profluvia mirabiliter interdum
 compescunt ; ubi vero menstrua
 morbose resisterint egregie promo-
 vent : quod a multiplicibus quibus
 agunt componentibus , variisque
 morborum causis fieri existimandum .
 Idipsum contingere animadvertimus
 dum ferrum exhibemus , quo pro-
 fecto Lucenses aquæ imbutæ sunt ;
 ocre enim , qua ductus per quos
 feruntur obducunt , rite in cruci-
 bulo exusta , in genuinum martis
 crocum convertitur , cujus molecu-
 læ a magnete alliciuntur , obscure
 primum , promptius vero ac validius
 postquam ablutæ fuerint , tunc enim
 graviores fundum petunt . At de
 his in theorico Thermarum tra-
 ctatu fusius disseram .

Etsi a Lucensibus aquis eo quo
 scaturiunt loco potu vel merfione
 adhibitis , salutare plusquam ab as-
 sumpto sale , vel terra effectus obti-
 neri

neri queant, sæpe nihilominus accidit quod mihi gratias agerent qui modo sale, modo terra me suadente usi fuere. Nobili Viro a Thermis discessuro binas terræ nostræ uncias tradidi, quas Matrona quædam sanguine cum eo conjuncta ingerere debebat, propterea quod inveterato uterino fluore vexaretur. Purgata prius alvo, præscriptam ejus dosim ingessit in aqua fontana dissolutam; cum vero res melius se haberent, perfecte tamen sanata non fuisset, datis ad me literis requirebat ut æqualem mitterem dosim. Iterato igitur ejusdem usu, certior, dum hæc scribo, factus sum morbum etsi pervicacissimum fuisse profligatum.

Expertus atque accuratus Medicus ex hætenus dictis deprehendet, quandonam Aquæ præscribendæ sint majori salis copia, vel
Ter-

Terræ saturatæ : dum vero sal exhibere velit , ab uno vel altero Thermarum fonte extractum , majori vel minori terræ copia refer-tum eligere poterit , temperamen-to ac morbo accommodatum .

F I N I S.

Pag. 8. Inter Auctores qui de Margarum qualitatibus differuere, connumerandi sunt Boerhaavius, & Linnæus, qui illas inter Terras aqua in pastam non subigendas reponunt, id quod in nostra anima advertimus. *Vid. Boerb. Chim. part. alt. de lapid. Linn. Syst. Nat. Regn. Lapid. class. 3. ord. 3.*

Pag. 9. post lin. 11. Cl. etiam Vir Christianus Gottlob Ludvvigius in egregio opere cui titulus. *De Terris Regii Musei Dresdensis, de Terrar. gen. cap. 2. pag. 55.* ita scribit. *Argillæ tandem, & Margæ discrimen ex agricultura cognoscimus, cum hæc fertilitatem augeat, illa vero sterilitatem inaucat.*

